

Юбилейные даты

Қазақстан Республикасы Білім және ғылым министрлігі
А. Байтұрсынұлы атындағы Тіл білімі институтының бас ғылыми қызметкері,
Қазақстан Республикасы Ұлттық ғылым академиясының академигі,
Қазақ ССР-інің еңбек сіңірген ғылым қайраткері,
Ш. Уәлиханов атындағы I дәрежелі сыйлықтың иегері,
Түркияның “Dil Kurumu” лингвистикалық қоғамының құрметті мүшесі,
Башқұртстан Ұлттық ғылым академиясының құрметті академигі,
Халықаралық “Қазақ тілі” қоғамының құрметті президенті,
Ұлы Отан соғысының ардагері,
филология ғылымдарының докторы, профессор
Әбдуәли Туғанбайұлы ҚАЙДАРДЫҢ туғанына 90 жыл

Аса құрметті Әбдуәли Туғанбайұлы!

Қазақстан Республикасының Ұлттық ғылым академиясы Төралқасының атынан Сізді бүгінгі мерейтойыңыз- 90 жасқа келуіңізбен шын жүректен құттықтаймыз!

Сіздің өмір жолыңыз өз еркіңізбен майданға аттанғандыңыздан басталып, соғыстан кейін Қазақ мемлекеттік университетін үздік бітіріп, аспиранттан академикке дейінгі, кіші ғылыми қызметкерден академиялық ғылыми-зерттеу институтының директорлығына дейінгі ғылымдағы ғұмырыңыз ҚР Ұлттық ғылым академиясының (қазіргі ҚР Білім және ғылым министрлігінің құзырындағы А.Байтұрсынұлы атындағы Тіл білімі институтының) қара шаңырағында өтуде.

Сіз қазақ этнолингвистикасының негізін салған әлемге әйгілі ғалымсыз, бүгінде күллі түркі әлемі мақтан тұтатын “сөз тануға”, “түбір тануға” қатысты басым бағыттағы, “этностаным” мен “тіл таным” тұрғысынан туындайтын этнолингвистикалық бағыттағы және қазақ және басқа да түркі тілдерімен моңғол, корей, жапон тілдерінің қарым қатынасын зерделеуге, “алтай теориясын” тектеп, тексеруге бағытталған қазақстандық бірнеше лингвистикалық мектептерді қалыптастырдыңыз.

Қазақ тіліне мемлекеттік мәртебе беруге бағытталған тіл саясатының қалыптасуына да сіздің қосқан үлесіңіз орасан. Ғылымдағы үздік өнегенізді, еліміздің рухани-мәдени, саяси-әлеуметтік, қоғамдық өміріне белсенділікпен араласып, бұл салаларда да азаматтықтың жоғары белесінен әрдайым көрінуіңізді зор қуанышпен мақтан тұтамыз.

Сіздің жалпы түркітану ғылымына, соның ішінде, әсіресе қазақ тілі білімі мен ұйғыртану саласына қосқан нақты үлесіңіз бен сіңірген еңбегіңіз Сіз жариялаған жалпы көлемі 1000 баспа табақтан астам 500-ге жуық зерттеулерден, олардың ішінде 52 монография, жинақ, сөздік, оқулық пен оқу құралдарынан айқын көрінеді. Тіл білімі бойынша ғылыми кадрлар дайындау да сіздің қосқан үлесіңіз қомақты, Сіздің тікелей ғылыми басшылығыңызбен 16 докторлық және 75 кандидаттық диссертациялар қорғалды.

Сіздің ғылымды дамытудағы мен білім беру саласындағы жетістіктеріңіз жоғары бағаланып, “Халықтар достығы” ордені, “Отан” ордені, “Құрмет нышаны” (Түркия ордені) және 12 медаль, көптеген құрмет грамоталарымен марапатталдыңыз. Сізге құрметті “Қазақ ССР-інің еңбек сіңірген ғылым қайраткері” атағы беріліп, Ш. Уәлиханов атындағы I дәрежелі сыйлықтың иегері, ҚР Ұлттық ғылым академиясының академигі, Башқұртстан Ұлттық ғылым академиясының құрметті академигі атандыңыз.

Сізді, аса құрметті Әбдуәли Туғанбайұлы, 90 жылдық мерейтойыңызбен құттықтай отырып, Сізге, отбасыңызға мол бақыт, зор денсаулық, ұзақөмір және шалқар шығармашылық шабыт тілейміз!

ҚР ҰҒА Президиум Төралқасы

Доктору педагогических наук, профессору,
академик Академии педагогических наук СССР,
академику Национальной академии наук Республики Казахстан
СЕЙТЕШЕВУ Ажесу Петровичу 85 лет

Глубокоуважаемый Ажес Петрович!

От имени Президиума Национальной академии наук Республики Казахстан искренне и сердечно поздравляем Вас со славным юбилеем – 85-летием со дня рождения!

Мы знаем Вас как выдающегося ученого-педагога, крупного организатора высшей школы, известного педагога и наставника молодежи. После окончания Политехнического института г. Фрунзе (Бишкек), Вы тесно связали свою трудовую деятельность с высшей школой. Работали в КазНПУ им. Абая, Профессор кафедры педагогики и методики преподавания инженерных сельскохозяйственных дисциплин КазСХИ, Председатель Республиканского Научного Совета по трудовому воспитанию и профориентации КазССР, руководитель экспериментальной лаборатории – Всесоюзной научной школы, заведующий кафедрой инженерной педагогики, профессор Казгосагроуниверситета.

Вы, благодаря своему трудолюбию и разностороннему таланту, занимались научно-исследовательской деятельностью в области философии, социологии, техники, геронтологии, психологии, экологии, эргономики, генной инженерии и педагогики.

Огромная работа была проделана по созданию эталона государственного стандарта образования:

- по разработке системы новых технологий обучения;
- по разработке принципов внедрения новых информационных технологий университетского образования;
- по разработке теории и научных принципов формирования профессионалов;
- по разработке новой концепции национального образования Республики Казахстан.

Мы гордимся Вашей объективностью и настойчивостью, проявленным Вами примером беззаветного служения Родине. Это достойный пример для подражания грядущему поколению.

За время научно-педагогической деятельности Вами опубликовано 12 монографий, 12 учебников, Избранные педагогические произведения в 30 томах, сконструирован универсальный токарный станок САП-1, 10 авторских свидетельств. Под Вашим непосредственным научным руководством защищены докторские и кандидатские диссертации.

Вы – Заслуженный деятель науки СССР и Республики Казахстан, лауреат премии им. Н. К. Крупской

Дорогой Ажес Петрович! В день Вашего славного 85-летнего юбилея искренне желаем Вам крепкого здоровья и счастья, благополучия и творческого долголетия!

Президиум НАН Республики Казахстан

ҚР ҰҒА академигі, геология ғылымдарының докторы, профессор
Серік Мұхамеджанұлы Мұхамеджановқа 85 жас

Құрметті Серік Мұхамеджанұлы!

Қазақстан Республикасының Ұлттық ғылым академиясы Төралқасының атынан Сізді бүгінгі мерейтойыңыз – 85 жасқа келуіңізбен шын жүректен құттықтаймыз!

Сіздің ғылыми еңбектеріңіз платформалық-тауаралық және Орталық Қазақстанның гидрогеологиялық кен аймағында артезиан бассейндері түзілуінің заңдылықтарын зерттеуге арналған. Сіз Шідерті өзені бассейнінің жер асты суларының қалыптасу заңдылықтарын зерттедіңіз, оның ғылыми ізденістерінің нәтижесінде осы өзен аңғары арқылы Ертіс – Қарағанды каналы салынды. Қазақстанның солтүстік-батыс бөлігінде жүргізген гидрогеологиялық зерттеулерінің нәтижесінде артезиан суларының орналасу, таралу, қалыптасу заңдылықтары және ресурстар қоры туралы мәліметтер алынды. Жер асты суларын, оның ішінде артезиан суларын пайдаланудың ғылыми-тәжірибелік ұсынысын жасап, өндіріске енгіздіңіз. Сіздің басшылығыңызбен Балқаш – Алакөл өңірінде, Зайсан көліндегі бассейнінде, Тарбағатай мен Іле тауларында, Семей өңіріндегі Ертіс маңында, Солтүстік-Шығыс Қазақстанда гидрогеологиялық зерттеулер жүргізілген.

350-ден аса ғылыми еңбектеріңіз бар.

Сіздің ғылым және білім беру саласындағы көрнекті еңбектеріңіз жоғары бағаланып ордендер мен медальдармен марапатталдыңыз. Оның ішінде: «Қазақстан Республикасына еңбегі сіңген геолог», «Қазақстан Республикасы ғылымына еңбегі сіңген қайраткер», Шоқан Уәлиханов атындағы және Н.Н.Головацкий атындағы сыйлықтардың лауреаты атандыңыз.

Сізді, аса құрметті Серік Мұхамеджанұлы, 85 жылдық мерейтойыңызбен құттықтай отырып, Сізге, отбасыңызға мол бақыт, зор денсаулық, ұзақ құмырлы өмір және шығармашылық табыстар тілейміз!

ҚР ҰҒА Президиум Төралқасы